

მეთოდე კლასი - ფინალური ტესტის მიმოხილვა

მშობლიური, ქართული ენის ფინალის ტესტი **100 ქულიანია**. ტესტში ჯამურად დაგხვდებათ **30 საკითხი (შეკითხვა)**. ტესტი შედგება **2 ნაწილისაგან**:

- ◆ წაკითხული ტექსტის გააზრება (40 ქულა)
- ◆ გრამატიკული და ლექსიკური დავალებები (60 ქულა)

ტესტის ყველა შეკითხვა არჩევითპასუხიანი, დახურული ტიპისაა. თითოეულ შეკითხვას აქვს სამი სავარაუდო პასუხი: ა, ბ ან გ, რომელთაგანაც მოსწავლეს ერთი სწორი პასუხის შერჩევა ევალება.

ნაწილი #1 - წაკითხული ტექსტის გააზრება

ტესტის ამ ნაწილში 10 შეკითხვაა და თითოეული სწორი პასუხი ფასდება 4 ქულით. შესაბამისად, ამ ნაწილის ჯამური ქულაა 40.

აღნიშნული სავარჯიშოს შესრულებისას მოსწავლეს მოუწევს მცირე ზომის, კლასის შესაბამისი ტექსტის წაკითხვა და გააზრება. შეკითხვები შეეხება:

- პერსონაჟების თვისებებს,
- ტექსტში მოცემულ მოვლენებს შორის მიზეზ-შედეგობრივი კავშირების აღმოჩენას,
- ტექსტის მთავარი სათქმელის/იდეის გააზრებას;

მოსწავლეს უნდა შეეძლოს ისეთ შეკითხვებზე პასუხის გაცემა, როგორებიცაა: რომელი მხატვრული ხერხია გამოყენებული ნინადადებაში? რომელ პირშია საუბარი ნაწყვეტში? და სხვა.

ნაწილი #2 - გრამატიკული და ლექსიკური დავალებები

ტესტის მეორე ნაწილი შეეხება გრამატიკულ და ლექსიკურ საკითხებს. ტესტის ამ ნაწილში 20 დავალებაა და თითოეული სწორი პასუხი ფასდება 3 ქულით, შესაბამისად ამ ნაწილის ჯამური ქულაა 60.

მოსწავლემ უნდა გამოავლინოს კლასის შესაბამისი ცოდნა შემდეგი მიმართულებებით:

- ნაცვალსახელები,
- ზმნისზედა,
- სწორი სიტყვათა წყვილის პოვნა,
- რიცხვითი სახელი,
- ბრუნვა,
- ზმნა,
- არსებითი სახელი და მასთან დაკავშირებული მართლწერის წესები,
- მხატვრული ხერხები,

მოსწავლე შინაარსიბრივად უნდა იაზრებდეს კლასის შესაბამის ანდაზებსა და ფრაზეოლოგიზმებს, ჰქონდეს მათ შესახებ ზოგადი ცოდნა.

სავარჯიშოს მაგალითები:

რომელი მხატვრული ხერხია გამოყენებული წინადადებაში: “ის ისეთი მაღალი იყო, რომ ღრუბლებს ეფერებოდა” .

ა. მეტაფორა ბ. ჰიპერბოლა გ. შედარება

რომელია სწორად დანერგილი ზმნა?

ა. ვწერავ ბ. ვწერ გ. ვსწერ

რომელია სწორი მნიშვნელობით დაკავშირებული წყვილი?

ა. თბილი — ა ბოროტი
ბ. მხიარული — ანუ ხალისიანი
გ. ზარმაცი — ანუ შრომისმოყვარე

შეგახსენებთ, ფინალური ტური 4 მაისს ჩატარდება. ფინალთან დაკავშირებული ყველა საჭირო ინფორმაციის ნახვა ამ ბმულზეა შესაძლებელი: <https://www.kings.ge/news/1321>

კინგსის გუნდი გისურვებთ წარმატებულ ასპარეზობას!